



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 91/11124

< 24 08 2022թ.

Գազիկ Մկրտիչի Հովհաննիսյանին
Հասցե՝ Լոռու մարզ, գ. Ստեփանավան, Աղասյան փող. 15 տուն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180186515 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ <<3>> թերթ:

**Պետ,
ոստիկանության գնդապետ՝**

Ա. Ումրշատյան

Կատ. Ս. Ասատրյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 16.05.2022թ.-ին կայացված թիվ 8180186515 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 23 >> 06 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Գագիկ Մկրտիչի Հովհաննիսյանի (Ծանուցման հասցե՝ Լոռու մարզ, ք. Ստեփանավան, Աղասյան փող. 15 տուն.) (Այսուհետ՝ դիմող) 26.05.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

16.05.2022թ.-ին՝ ժամը 08:24-ի սահմաններում, Ստեփանավան քաղաքի Բաղրամյան փողոցում դիմողը «Մերսեդես» մակնիշի 36 SV 272 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագիր: ՀՀ ոստիկանության պարեկային ծառայության Լոռու մարզի գումարտակի 2-րդ վաշտի 3-րդ դասակի պարեկ Նարեկ Գրիգորյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն՝ «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն և կայացվել թիվ 8180186515 որոշումը՝ դիմողին 100.000 ՀՀ դրամի չափով տուգանելու մասին:

Դիմողը 26.05.2022թ.-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 16.05.2022թ. կայացված թիվ 8180186515 որոշումը՝ մասնավորապես նշելով, որ տրանսպորտային միջոցը արձանագրություն կազմելու պահին ունեցել է գործող ԱՊՊԱ պայմանագիր և ներկայացրել «Ռեսո ինշուրանս» ԱՓԲ-ի հետ կնքած թիվ SM 589801 ԱՊՊԱ պայմանագրի օրինակը:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 16.05.2022թ.-ին կայացված թիվ 8180186515 որոշումը ենթակա է բեկանման՝ հետևյալ պատճառաբանությամբ.

Պարեկային ծառայողի կողմից տրված պարզաբանման համաձայն՝ դիմողի կողմից տրանսպորտային միջոցն առանց գործող ԱՊՊԱ պայմանագիր վարելու փաստը արտացոլվել է ՃՈ էլեկտրոնային ռեգիստրում, որի արդյունքում էլ կայացվել է համապատասխան որոշումը:

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

«Ռեսուրսներ» ԱՓԲ-ի կողմից տրված թիվ SM 589801 պայմանագրի ուսումնասիրությունից պարզվել է, որ «Մերսեդես» մակնիշի 36 SV 272 հաշվառման համարանիշերով տրանսպորտային միջոցը կնքել է ԱՊՊԱ պայմանագիր 17.03.2022թ.-ին և գործողության մեջ է եղել մինչև 17.06.2022թ.-ը:

Վերոգրյալից հետևում է, որ վարչական իրավախախտման վերաբերյալ արձանագրություն կազմելու պահին, դիմողի վարած «Մերսեդես» մակնիշի 36 SV 272 հաշվառման համարանիշի տրանսպորտային միջոցը ունեցել է գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի

կարող սկսվել, իսկ սկսվածը ենթակա է կարճման եթե բացակայում է վարչական իրավախախտման դեպքը կամ կազմը:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենքի 247-րդ հեղվածի 1-ին և 293-րդ հոդվածի 1-ին մասի 3-րդ կետերով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 16.05.2022թ.-ին կայացված թիվ 8180186515 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Լոռու մարզի գումարտակ:

Պետ,
նստիկանության գնդապետ՝



Ա. Ումրշատյան